

Scinni 'Nta chiazza.

'Ntô bar c'è sempri u stissu tavulinu,
canciano i giacchi, ma no u distinu.
Cu sapi tuttu un dici nenti,
surridi forti e saluta a tutti.
Nta stu paisi u ventu è furbu,
porta prumissi e lassa pruvulazzu.
Ma 'nta me casa m'hannu 'mparatu:
cu avi paura campa a mità.

(Pre ritornello)

E basta cu sti testi vasci,
ca puru i petri vonnu parrari.

(RITORNELLO)

Oh... scinni! Scinni! Scinni 'nta chiazza!
ca a vuci nostra nun si zittisce.
Oh... canta! Canta! Cchiù forti ancora!
ca cu cumanna trema si ni facemu sèntiri.
Batti i manu, pesta i pedi,
nun c'è cchiù tempu pi stari assittati.
Sta terra nun voli patruuna...
voli cani sciolti... e miliuna ri cori!

Mi dicianu: "Statti tranquillu..."
e già capisciu ca c'è u truccu.
Mi diciaunu: "È sempri statu accùssì"
allora è ora ri canciari.
Picchi a rassignazioni è comu a rùggini:
si mancia puru i cancelli novi.
Ma quannu a chiazza accumincia a gridare,
puru i palazzi hanno a tremari.

(Bridge)

Nun cercu santi.
Nun cercu capi.
Nun vogghiu eroi supra i manifesti.
Vogghiu me soru,
me patri,
l'amicu ca torna di Germania,
u piscaturi,
u prufissuri,

u picciottu ca dici:
" basta... ora ci semu puru nuatri."

(RITORNELLO)

Oh... scinni! Scinni! Scinni 'nta chiazza!
ca a vuci nostra nun si zittisce.
Oh... canta! Canta! Cchiù forti ancora!
ca cu cumanna trema si ni facemu sèntiri.
Batti i manu, pesta i pedi,
nun c'è cchiù tempu pi stari assittati.
Sta terra nun voli patruna...
voli cani sciolti... e miliuna ri cori!

(Finale)

Nuddu ni duna a libertà.
a libertà si pigghia.
Comu u pani quannu hai fami.
Comu u mari, puru quannu un sai nuotari.
E si dumani torna u scuru...

Turnamu tutti...

'Nta chiazza

'Nta chiazza

E se dumani torno u scuru

Turnamu tutti...

'Nta chiazza.